

Aatsitassat ikummatissallu pillugit ingerlatsinermi pisortat allaffissornikkut aningaasartuutaannut taarsiinermi nalunaarut

Kalaallit Nunaanni aatsitassat ikummatissallu pillugit inatsit § 25, immik. 5 malillugu, takuuk nalunaarut nr. 368 18. juni 1998-meersoq, aalajangersarneqarput:

Atuuffia

§ 1. Nalunaarutip imaraa pisinnaatitaasut aningaasartuutinin akiliuteqarnissaat, pisinnaatitaasup akuersissutaani piumasaqaatitigut aalajangersarneqarmat pisinnaatitaasup pisortat allaffissornikkut aningaasartuutaannut akiliuteqarnissaq §§ 10, 19, 20 aamma 25 Kalaallit Nunaanni aatsitassat pillugit inatsit malillugu.

Suliassanik isumaginninnermi aningaasartuutit

§ 2. Aatsitassanut Ikummatitassanullu Pisortaqrarfiup suliassanik isumaginninnermini aningaasartuutai, taassuma ilagalugu nakkutilliineq, nalunaaquttap akunnerinik atuisimaneq najoqqutaralugu naatsersuisoqartarput suliassap ataatsip suliarinerani nalunaarsukkatut atorneqartut najoqqutarlugit, takuuk taamaattoq immik. 3.

Imm.2. Nalunaaquttap akunneranut akiliutaasartaq aalajangerneqartarpoq suliassamik suleqataasut aningaasartuutigineqarnerisa agguqaatigiissinneratigut, tassunga ilanngunneqarlutik ukiumi pineqartumi allaffissornikkut sulinermi aningaasartuutaasimasut allat naleqqiussinnermi pissarsiassaq.

Imm.3. Aatsitassanut Ikimmatissanullu Pisortaqrarfiup aningaasartuutai, misissuinnermut, siunnersorteqarnermut, taassuma ilagalugu pisortaqrarfinnit allanit ikiorneqarneq, aamma angalanermut aningaasartuutit il.il. suliarineqartumut ataatsimut aningaasartuutitut atatinneqarsinnaasut, aatsitassanut ikummatissanullu pisortaqrarfiup aningaasartuutigineqartunik nalunaarsuina najoqqutaralugu akilerneqassapput.

Ilisimatitsissussaataaneq

§ 3. Ukiut naannginneri tamaasa aatsitassanut ikummatissanullu pisortaqrarfiup § 1 malillugu akiliisussaataasut ilisimatissavai, aatsitassanut ikummatissanullu pisortaqrarfiup ilimagippagu, ukiup tulliani suliassanik isumaginninneq malunnaateqartumik, nalinginnaasumik suliassatut pilersaarutaasut qaangerneqartussanngortut.

Imm. 2. Imm. 1 malillugu paassissutissat tunniunneqarsimasut ukiup ingerlanerani malunnaateqartumik allannguuteqarpata, imaluunniit suliassanik isumaginninneq malunnaateqartumik, nalinginnaasumik

suliarisassatut pilersaarutaasut qaangerneqartut, akiliisussaatitaasoq piaarnerpaamik tassunga tunngasumik ilisimatinneqassaaq.

Nalunaarsuineq

§ 4. § 2 malillugu akiliisussaatitaanerit eqquutinniarlugit qaammatit pingasut qaangiunneri tamaasa imm.2-mi maleruaqqusat malillugu suliasamik isumaginninnermi aningaasartuutitut akiliisitsiniutaagallartoq aatsitassanut ikummatissanullu pisorta qarfiup nassiutissavaa.

Imm. 2. Ukiumi akiliiffissami qaammatitut pingasunut akiliisitsiniutip siulliup nassiunneranut atatillugu aatsitassanut ikummatissanullu pisorta qarfiup nalunaarutigissavaa, ukiup ingerlaneranerani nalunaaquttap akunneranut aki sorleq ukiumi tassani akiliutaagallartartussani ator neqassanersoq. Nalunaaquttap akunneranut akiliutaagallartagassaq ukiumi natsorsuiffimmi inaarneqartumi nalunaaquttap akunneranut akiliuutaavoq, naleqqussarneqarluni aningaasartuutit allanngorannerinut missiliuutaareersunut.

§ 5. § 2, immik. 2 malillugu aatsitassanut ikummatissanullu pisorta qarfik ukiup naatsorsuiffiup naanerani nalunaaquttap akunneranut akiliutaasussaq naatsorsussavaa ukiorlu taanna akiliutissaq naatsorsorlugu. Akiliut taanna § 4-ra malillugu akiliutaagallarsimanut naleqqussarneqassaaq. Naatsorsuutit inaarnerat akiliisussaatitaasumut ukiup naatsorsuiffiup naanerani kingusinnerpaamik qaammatit sisamat qaangiutinngineranni nassiunneqassaaq.

Erniat

§ 6. Nalunaarut manna malillugu aningaasartuutit akilerneqassapput kingusinnerpaamik akiliisitsiniutip nassiunneraniit ullut 30-it qaangiunneranni. Akiitsoq piffissaq eqqorlugu akilerneqanngippat, ernialissuineqassaaq inatsisip tamatigut atortuusup § 5-ia kingusinaarluni akiliinermut tunngasoq il.il malillugu, takuuk Inatsisini nalunaarut nr. 583 1. september 1986-meersoq.

Atortuulersitsineq

§ 7. Nalunaarut atortuulersippoq 1. februar 2004.

Namminersornerullutik Oqartussat, 30. december 2003.

Jørgen Wæver Johansen

/

Hans Kristian Schønwandt

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut